

PROCESO AEA VECIA 2009

SPAEA: Rotura de cojoni; setu belche rivada?
Eo già pasà an ano da l'ultima brusada?
Te setu fata vegner a cior
o te aeo ocorest anca a ti al navigator?
Setu rivada col soito biroc?
Tegnest in sest co' do spaghi e an rodol de scoch?
Te aeo fat, Gigi Cuter, la revision?
O te voo sgnacar anca a ti an machinon?
Varda che adess no' ocore andar a conprar machine a
Coneian,
basta che tu vae quassù in Pradegnan.

VECIA: Ahhh ben, speta 'n atimo che me sente do bass
Maria vercore signor, robe che ris-cie an fass.
Pensa che par rivar fin qua
an bel caret a un de Maren se ghe vea domandà
ma co se ghe à dita che l'era par la Pro Loco de Fuina
al ne à rispondest "Mi no ghe dae vero gnent a quei
magna puina".
I marenot no' i se smentis mai
no l'è 'na novità che se ghe stae sui sonai:
no, no, a mi no me serve quei arte là
son 'ncora bona de catar la strada par rivar fin qua!
Solche no mea ricordée cussì intorgoeada.
La provincial la è meda incantierada!
Do aea Bot ò catà al primo cartel,
dal caval inbalsamà l'era ancora tut an bordel
co son rivada là dae trote
ghen vée già pien le baeote!
Co ben pensée che fusse finì 'sta rivoeuZHion,
qua aea rotonda me son catada 'n'altra deviazhion,
aeora, me à tocà ciapar la circonvaeazhion
e girar dentro prima de Cison!
Finalmente là al pont del Cristo ò podest pasar
e cussì i marciapie novi ò podest vardar.
Anca sta olta i à mess do le soite piere che co' gnent se
s-cesenea
che i lo apie fat par far cascar quei che va verso la
Caldea?

L' à bastà solche 'na nevegada
e pì de una la é belche crepada!
Par che i ghe dae 'na man i sorzh che vien su dal Corin
che i roseghea fora anca al marmorin!!
Credée finalmente de verghea fata
ma a parchegiar son diventada mata!!!
Averla savesta prima, varie assà al biroc do da
Botarel
visto che tuti i dì in via Roma l'è postà al carel!
L'ingonbra da lu lu sol al parchegio intiero
cussì nessun i ghe la posta davanti al viero!
Ma la tassa de ocupazion la aea pagada?
Se nò anca al carel ghe fen far 'na bea brusada!

SPAEA: ma co' piovea zhervei véetu l'onbrea verta?
Dopo s' tuti quanti i à da star in alerta !
Col venta no i lo inpegnis mia de sass,
i ghe fracca dentro do bonboe de gas!!
E se no tu vol che ciape fogo tuta Fuina
meio che no tu te fae vegner 'ste idee del bot, bruta
cretina!
qua po', a Fuina, no' i é che i sie ben usati
i parchegia dapartut, anca sui posti par i andicapadhi!

VECIA: Ehh si ciò, no' i à pì 'na s-cianta de creanzha,
che i sie patidhi o coea panzha,
che i sie poreti o de sangue blu,
che i sie dea piazza o che i rive dai palù,
a tute le ore se tu varda quel canton,
ghe n'è senpre mess o an camion o an gipon!
Quei striss par tera i é par 'na bici o 'na motorea
no par meter là 'na machina e 'ndar da Giani a cior do eti de
mortadea!!!
Va ben che via Paoletti la é serada par laori
ma fe zhinquanta metri in pì che no' i é doeori:
no' fé fadiga, no' ve vien i sudori
anzhi fa ben pae vene varicose i ò diss anca i dotori!!
Tu asa la gip su dai frati, tu sera ben al baul
a vegner in piazza tu fa do pass e tu buta do anca an poc de cul,
caminando te rinforzha i muscoi petorai
e le tete le te sta su dure fin a Marzhiai!!
No' ocore pì parchegiar in zhima al Masot

no' ghe n'è pì coriere e tut an paciot!!
I sarà contenti quei del ristorante e del bar
che no' i perde pì tant tenp a netar:
i clienti no' i ghe riva pì coi scarpon smerdadhi
ma coi tachet alti ben inpatinadhi.
I paroni i pol star ben neti drio al bancon
e meter in banda le scoe e i spazheton.
Sicuro che quasi an ano ne à tocà spetar
ma almanco lassù no' te toca pagar!
Dopo aver parchegià, però, ghe vol abituarse par tera vardar
parché se tu à assà 'na taca de oio te toca netar par no'

sbrissar!!

Piazza "Cavalieri del Tempio" i l'à ciamada
ma che sie 'na roba inportante o solche 'na menada?
Co' tut quel laorar e desfar in medho al bitume e aea
palta

stea ben ciamarla piazza "Cavalieri dea Malta".
No' se capisse parché do metriquadri i era stati sfaltadi!
Che manchesse matonée parché geometri e architeti
vea fat i cont sbagliadi??

Ahh dove che sen 'rivadi co' 'sto mondo
gnanca col cul d'en goto i é boni de far an tondo.
Ea vera 'sta storia tra teroni e poentoni?
O ne ai ciapà ancora pai maroni?
Dae Puglie i ne à mandà su 'na piera de vaeor
e su par al mur i la à inpetada par farghe onor.
Par che la sie stata dei "Templari"
che i partia daea Germania, i passea par Fuina e i rivea
a Bari!!

SPAEA: Ma ei chi 'sti "Templari"?

Ei quei del pit rosto do in Crevada?
O ei quei che te diss che doman farà 'na gran
nevegada?

Mi no' son come ti aculturà!!!
Me n'intende pì de vin, sopressa, poenta e bacaeà!
Senzha che tu batoée tan de 'sta fazhenda
setu mai 'ndata lassù a far marena?
I verde i balcon ae sie de matina
tu fa in tenp de ciorte al caffè, la brioss, al tè, al vov
la marsaea, che no' i à sonà messa prima!!

VECIA: Mi aea matina me trate ben:
muset, purè, pechete e lessò co' do cuciari de cren!
Solche aea domenega vae dae Barchete
ma là no' cate lengua co' le erbete,
i me dà 'na bea ciocoeata coe spumigliete
e se le istà, torta coe fragoete!

SPAEA: No' sta parlarme de fragoete,
che mi, se vae là dentro, ò oci solche par le parone coe
tete!

La sì che te serve ghe ne tre-quattro bée siore
e mi voentieri ghe farie le ore.....
Dentro là tu respira parfan de schei
e de oro i à anca le capie dei ose!
Par farse vegner a cior no' ghe basta pì la limusin
ma riva an elicotero, che al fa su an gran casin.
Al Fuina ne tocarà slargar
par, ben comode, farle atracar.
Sten atenti che Pianezhe no' ne toche spianar
par al so aparechio far aterar!!

VECIA: Porzhel de 'n vecio pien de voia,
ghe n'è ben altri che te fa la foia!!!
Satu sonar?
Satu cantar?
Satu navigar?
Satu le finanze aministrar?

SPAEA: Tute quée robe là no: mi savarie, però, scoredar!!

VECIA: Fae finta de no' averte sentì,
là va solche persone.....Fini.....
ma no quel dei torteini!!
Ti no' tu pol 'ndar là a dormir,
se a te va ben, su in Caglieruzh o Rivaseca i te manda a
zherpir!
E se no' tu sa far gnanca quel,
tirete su le maneghe e russete al betare!!!!

SPAEA: Vecia simia dal cul peà,

tasi sù e fate pì in là!!
Se là no' i me vol
'ndarò da quel che à eredità al bar da so fiol!!
Che bee feste soto la vecia scoea
dess che ogni venere la va a cantar là, la frutaroea!

VECIA: Ò senpre dita che qua à Fuina s'é tuti revessi
ma gira e reména, i paroni i resta senpre i stessi!
Al ristorante davanti al comun, quel che fa canton.
Co' l'é in ultima l'é tornà al vecio paron!
La so tosa al se à tira là
E 'dess, se tu vol magnar, ghe vol che tu apie prenotà.
Altro che sgonbri, zhegoi e capesante
meio de tut al speo (de Remo) e pit ruspante.

CORO: PagaRemo?

VECIA: Poc tenp fa i à inaugurà anca al Milani,
se pensea che lo cioesse quel che vendea caset da ani.
Invezhe quea volta i à catà da dir
e do foresti i é là dentro a servir.

CORO: L'é come la storia del sior Intento
Che dura molto tenpo
Che mai no' se destriga
Vutu che tea conte o vutu che tea diga?

VECIA: Ciò smaranteghi no' ste contarme a mi!
Ò sentì che qua do i verde an bel "Garni"!!!

SPAEA: An Gar che?
An Garnit? An Garpit? An Gardizh? An Gran Schit?
Co' ti stasera no' son bon de 'ndarghen fora !!
Meio scravazharse 'n onbra che ormai l'é ora!!

VECIA: Pore can d'en vecio, tu se propio rincojoni
se no' tu sa gnanca cossa che l'é an Garni!!

L'é come an bed en sbregfast

SPAEA: Finisea, bruta vecia pissazhera,
vutu propio mandarme fora de testa?

VECIA: Ma da dove vientu fora?
No' tu sa gnanca 'na paroea de inglese, parbio?
Setu restà propio cussì indrio??
Senti qua:
"Mi name is Veccia en i am veri beatiful"!

SPAEA: Ai chen, cramentooo, me par si
de aver sentì me classe Beta da Londra parlar cussì,
l'é meio, però che tu me parle in diaeto de Fuina,
no' s'en mia su daea regina!!!
Co' tut 'sto casin tu me à insemenì.
Cossa eo 'sto benedeto Garni?

VECIA: Bauco de 'n teston de 'n molton de 'n ignoranton,
'sto Garni i lo verde de fianco al distributor de benzina.
Tu va là aea sera, tu dorme e tu magna solche de
matina.
E se a meodì tu vol disnar de "fino"
I te manda do da "Lino".

SPAEA: Ma Lino chi? Lino Romanel?
Mi no' ò bisogno de esser lavà e broà come an
porzhel!!
L'é vero, però, che se tu à al SUV da netar
tu podarà beber an onbra e an panin sboconar.

VECIA: No tu capiss 'na madona, mi te parle de Lino da Soighet
quel pena pì sote del Casteet!!
Par 'sto Garni, come punto de riferimento
tu varda quea fotografia granda come an nizhiol,
cramento.
Nol podea meterse in vetrina,
ma al se à sgnacà in tea reclan dea so benzina!!

I ghe à spotacià i oci, no' l'é pì tant bel
ma se vedea instess che l'era lu, Botarel.
No' l'è mio giusto che ghe sie solche lu nea foto
I dovea meter anca al so colaborator sempre in moto.

SPAEA: La do a veder par propio che la vae benon
l'é par rivar su in piazza che tu cata 'na disperazhion,

VECIA: Tu à rason si, razha de subiot
pensa che anca i cinesi i à fat fagot.
I à assà fora al cartel del menù:
“ancò se magna ganbri e banbù”,
ma, se tu va là a sonar al canpanel,
“cedesi attività” tu lede sul cartel.

CORO: Co' tuta sta fan i varà finì i pantegan.

VECIA: L'é pecà che an ambiente cussì bel al reste serà
chissà quando 'n'altro fitual rivarà,

CORO: Co' la crisi che ghe n'é anca qua
camise de flanea, stramazh, cussi, traverson coi fioret e
tanti calzhet venderli scontadhi ghe tocarà.

VECIA: E se co' pochi schei tu vol disnar
senpre daea Rini te toca 'ndar.
St'istà an bei pochi de doveni i è andati là a disnar
e i à dita che i fa vero ben da magnar!
I è stati tratadi da siori e l'è da saverlo la dhent
che quel dì i à pagà poc e nient

SPAEA: Sta qua la è proprio bea
Parché a noi del Mutuo Socorso an trattamento cussì no'
i ne ò fea?
Co' sen andati là a contratar par i schei
ne à vegnest dreti i cavei!
E cussì al pranzho social co' poenta e muset

l'aven fat do da Lino a Soighet.
Varda qua la me tessera del Mutuo Socorso

VECIA: Ma la è scadesta da do ani bruto orso.

SPAEA: Ma co' i me l'à fata nova l'altro dì!

VECIA: Moea sul fogo tant no' la val pì!
Te vedarà che fra do-tre ani te riva quea del domiaenove
anca a ti.
Invezhe me par propio che i se sie sveiadi,
no' i fa pì pranzhi a pestarei e saeadi.
An bando de concorso i à alestì
par i studenti de l'università che lavorea de pì.
E mie euro ancò i à asegnà
a do laureadi de Fuina che i se lo à vero merità.

SPAEA: Anca co' la recesion no' é mai dura
investir sui doveni de cultura!

VECIA: Ma schei par sistemar i ruderi i salta sempre fora
e de restaurar la caseta tra le do piazhe l'era ora,
sacripante che bel parecio che i è drio far
e tra poc' a dugar a carte là dentro podarò andar!
E insieme a mi tuti i me coetanei ghe sarà
parché an "circolo anziani" finalmente nassarà.

SPAEA: Varda che a Fuina esiste già an circoeo anziani
Che ne iuta ormai da disdoto ani
Ma co' l'é stat ora de far reclan sui giornai de a nova
asociashion
del me vecio circoeo no' i à fat menzhion.
I ghe à dat sede in piazza e an bèe poche de finanzhe
ma sta atenta che là dentro no' ghe n'é mio chissà
quante stanzhe.
E vutu saver la gran coincidenza de sta question?
Domandeme chi che l'era segretario de sta asociashion?

VECIA: E mi, porca vaca, che ogni ano che passa son senpre pì
sorda
e no' bastesse quel, anca pì orba,
'dess che vée deciso de canbiarme i ociai
reste a boca suta e me grate i sonai.
Quealtro ano vée ocià in quea vetrina
'na montatura de firma e propio da signorina
ghe n'era an per de Dior
che ghe ò assà là anca al cor.
Ma sul pì bel che la pension vée incarseà
l'à tirà do le serande e serà l'attività.

SPAEA: L'é meio cussì, pensa ae rate che tu dovea pagar
Se solche an per de ociai tu dovea conprar.

VECIA: Pensetu che? Che me manche la grana?
Ghe n'ò instess, senza che vae suea Pontebana.

CORO: A far la putana.....a far la putana!!

VECIA: Ma no' tu se amigo de Silvio? No' tu à la "social Card"?
Atu solche quea par noegiarte i film ard?

CORO: Dal distributor!!!!

VECIA: Vutu che tea tire fora?

SPAEA: Ma cossa me tiretu fora?

VECIA: Vutu che tea mostre?

SPAEA: Ma cossa me mostretu?

VECIA: Vutu che tea fae veder?

SPAEA: No! No! Par l'amor de dio!
La me par 'na zhuchera
me tocarie taiarte i pei coea manera.
Tu varà le péegate che toca par tera
le piateo l'é inpegniss 'na scoazhera,
tu se onta e bisonta
che nessun te farie 'na ponta.

VECIA: Insemeni d'en vecio sporcacion.
Credetu che? De 'ver rason?
Te l'à senpre stanpada in tea front
tu se ti, quel pì ont!
Te à al gilè tut sbrodegà:
eo quando l'ultima olta che tu l'à lavà?
Porteo là al Pulilanpo!
Ma par ti...no' ghe n'é scanpo!
Prova a passar anca dal paruchier venezhian
ma de pedhoci tu ghe assarie piene le man.
Prova, se no, 'ndar dae tose a farte i cai
chissà che tu perde quea spuzha da formai.
Par tuti 'sti tratamenti te bastei 40 euro al mese?
Che coa "social card", no' tu pol far tante spese!
Vardea qua, bianca e rossa,
fatea dar anca ti, date 'na mossa.

SPAEA: Speta che me sente meio e che me fae 'na sganassada,
te se propio indormenzhada.
'sta qua no' la é la "social card"
l'é la Fuina card.
Soto Nadal par 5 euro tu podea conprarla
e in téa boteghe del Comun tu podea dopearla
pecà che la sie durada solche an mese
de stì tenpi la sarie 'ndata ben par far spese.

VECIA: Haa ben, mi no, no la savée sta novità
a mi 'na tosa, me l'à sgnacada al dì del marcà.

SPAEA: Ma al marcà? Ma de dioba matina?
Ma se i vende tece, mudande, zhavate, pon, cuche,
ingurie, pess, scoe e tanta puina!

VECIA: Ma no quel via par la setimana, quel che tu sa ti
mi die quel de Nadal, quel che dura do dì.
Pecà che no' sie stat an gran suceson
dopo tut al can-can dea Pro Loco e l'Aministrashion
che i sie stati i Loff a mandarghe 'na maedizhion?
Quel che no' era, vegnea do an scravazhon!!

CORO: Ma no i vea vardà le prevision de quei di là ?
O qualchedun su pai i mont al vea prenota ?

VECIA: No' l'é sucess robe vero bée
Parché la Pro Loco a zherti negozi l'à ghe a sgnacà
davanti le bancarèe.
Motorin e ociai scondesti dai espositori
parché no' i vea pagà al posto ai organizzatori!
Vista la situashion quant che no' i se à inrabià
e un l'à mess fora an cartel co' scritt: "l'é grazie aea Pro
Loco che ò serà.
De sera quatro gat coi stivai e le onbrée
a meter a posto capiot, gazebe e bancarèe.
E in giro pae piazhe girea 'na machineta inportante
tuta giaea e co' sora an gran lanpegiante
dentro ghe n'era i do Ranger paesani
che quea not par tenderghe aea piova ghe vegnea afani.
Come se no' bastesse scravazh, baruffe e
disorganisashion,
tanta dhent la se à trovà anca an bel multon
co' la piazza serada par sta manifestashion
i vigii no' i se à assà scanpar sta ocasion,
i à taca a far foto aee machine mal postade
su dai Templari e via par le Paeade.
La Pro Loco subito l'à avisà i asesori del comun
che i ghe à promess che no' sarie stat multà nessun.
Dopo an pochi de dì ai fuinesi le multe l'é rivade drio
man
l'è solche da sperar che no' i ghe le abie mandade
a quei de Pieve e de Coneian.

Parché se ciapar piova e veder quatro barachin
i à da asarghe medho tacuin,
col bigol che i torna st'altro an
e noialtri fen la soita figura dei porecan.
Ma dee luminarie ve seo desmentegadi?
O de ranpegarve su par i lanpion ve seo stomegadi?!!
Par fortuna che l'asesora dea corente la dovea ocuparse
Sol che, aea fine, ai espositori ghe à tocà ciavarse.
Dovea vegner su tre elettricisti par iluminar le bancaree
ma ghe n'è rivà solche un: la comun nol voea svodarse le scarsee !!
E al Presidente novo, tut agità
ch'el voea diriger i laori vestì da festa incravatà.

SPAEA: Al Presidente novo? Incravatà?
Ma se l'ò senpre vist vestì da laoro e strasegnà!

VECIA: Ma vientu fora da dove?
Aea Pro Loco i ghe à dat an reolton
no' l'é pì presidente quel che fa finestre e porton!!
Sto' qua l'à fat le scoe alte
nol se intriga a dar su malte:
asicurator, avvocato, dirigente dea Fuinese,

CORO: Viva la Fuinese, viva la Fuinese

VECIA: Vicediretor del ricovero del paese,
Rodolfo tut al dì lo fa zhavariar
le vecete che i se lo voearie incantonar,
le voeontarie dea santa Scolastica i lo ciama a pregar.
Ma lu nol se cata una da maridar?
Al varde, Sior Presidente, che mi no son inpegnada
al me ciame, al me fae pur 'na téefonada.

SPAEA: Ma vutu che al te varde che po' ti,
l'à ben altro da far tut al dì.
Setu senpre piena de morbin?
No' tu à pì quel che te contenta da Segusin?
Va ben che l'é de moda andar co' quei che par to fioi
ma nol vien no lu, co' ti sote i nizhioi.

Gnanca se tu passa an mese a lustrarte
tu catarie un che vol maridarte.
La paruchiera nova co' ti la farie schei,
pecà che la svegnarie solche a snasarte i cavei,
tu ghe onzhegarie sù tuti i cussin
tu ghe inpegnisarie de pulzh i lavandin
dove che tu camina ghe tocarie passar co' 'na strazha
tu assa i stanp parché tu à apena pestà 'na bea buazha.

CORO: Merda fa schei.

SPAEA: Te convien solche vardar da de fora
se no la te fa corer ea, la siora!!

VECIA: Assa star siore e siorete
e asseme dir le storie del paese s-cete e nete.
La Pro Loco no' ghe fea pì a pagar i zhinquemia euro
dea convenzhion,
in bloco l'à dat le dimission
e sul giornal i à parlà de radeghi co' l'Aministrashion.
I à presentà an bilancio che andea ben par netarse i
atributi
e al Comun no' l'à pers l'ocasion par no' darghe i
contributi.
Subito l'oposizhion
l'à presentà 'na mozhion
i pendea par cavar tute le spese dea marcita
e invece ghe à tocà metersea via come che fa co' l'ovo
la pita.
Ma no' lo vol proprio capir l'Aministrashion
che a farghe la guera aea Pro Loco gh'en perde tuta la
popoeazhion?
La rivincita i se l'à ciapada poc dopo sta confusion
e in pì de 150 i se à trovà in auditorium par le votazhion
pensée de 'ver sbaià riunion!
Mai vist cussì tante face nove par 'sta associazhion
epur, anca se qualched'un era poc in vista
l'à ciapà tanti voti de lista.
Me spuzhea mi, sta storia,
erei là parché? par la gloria?
L'é quasi un ano che al Consiglio al se à rinovà

e de far le riunion al bar centrale ghe à tocà
parchè al casin dea marcita, l'è ancora là inpegoeà!!
Parfin i zhigagni i se à acanpà
e co' l'aqua del comun le so strazhe i à lavà
e tuti i nizhioi i vea sul fil destirà.
I soiti stracapiazhe i à pensà:
la Marcita un teren da canpegio l'è diventà!
Ma altri da Fuina i se domandea: voli che sti qua?
Par fortuna che al Sindaco al se à suito interesà
e in premura la Marcita i à liberà.
Dove che i sia andati no' se sa
l'important l'è che i andese via da là.
Dea marcita no' se capiss ancora la situazhion
de sicuro dei mur al comun l'è paron.
Ma ei chi i paroni dée tece, menestri, scoeadore, tajer,
brondin, farsore, frigidier e armeron??
E eo andat a finir dove al bancon??
Sperar che no' fae tempo mul
se no, conpreo chi la carta da cul?
E se tu à da far 'na festa in compagnia
ciapetea, incartetea e portetea via.

SPAEA: Qua me toca darte rason!
Tu pol afitarla solche se tu se 'na associazhion.

CORO: Solche del Comun de Fuina!

SPAEA: Pensa che an pochi de tosat 'na domenega la ghe
ocorea
e a S. Silvestro n'altri pochi i é andati a Canpea.
A tuti quanti al Comun al ghe à dita de no
andaren a far festa in tea saea nova a Farò!
Chissà che i ghe la dae par gnent a Pentecoste
che mi vui farme 'na spanzhada de speo e patate roste.
Che no' ghe toche sistemar al larin sul sagra
come che i à fat l'ano passà!

VECIA: Ahhh ben, chealtro ano, davanti al teatrin
i te dea al speo coea poenta, in te'n sachetin,
che magon, che mainconia
senzha banda, senzha Pagot, nessun che te fea

compagnia.

Dopo tuta sta desoeazhion
speren che sto ano coi foghi i respete la tradizhion.
I podarie chiamar anca la banda a sonar
adess che ogni setimana do al maio i va a provar.
Par al so primo concerto de st'istà
anca al vecio palco de Paoletti i à restaurà;
parfin al mestro l'è fat al marengon:
se tu l'avesse vist come che al doperea martel e segon!
Par l'ocasion i era tuti in divisa e ben postadi
clarinet, piferi, sassofoni e otoni tuti lustradi.
Al Sindaco in ponpa magna al ghe à dat al
riconosimento
e 'na bea mas-ciota un par un li à presentadi co'
sentimento
parfin via Martiri i à fat serar
par poder le so musiche meio 'scoltar.
Adess ae manifestazhion ufficiai i é senpre presenti:
ricorenzhe, inaugurazhion e gran eventi,
no' i é mancadi gnanca al primo alzhbandiera
la do, di fronte aea Cartera.
Alpini e artillieri da drìo aea Madona, coi sass del Piave, i
à fat an codoeà
e dee montagne dea prima guera, 'na piera par sort i à
incimentà.
Quel dì de festa i era tuti inbardadi e inmedaiadi
coea coriera dae Tre Venezhie i é arivadi.

SPAEA: Ahh che bea cerimonia quea matina,
però come al soito vero poca la zhent de Fuina,
an pochi de parent dei nostri sonadori
e i boce dee scoe medie che i ciacoea tra de lori.
I à fat cussì tant casin e batoeà
che al Sindaco davanti a tuti al ghe à bravà.
che l'abie vero esagerà,
visto che al Preside dée scoe l'è subito caminà e al
rinfresco l'è disertà?
I alpini subito co' lu i se à scusà
ma ormai al potacio l'era combinà.
E continuando al discorso de l'inaugurazhion
no' l'è risparmià chissà quaea asociazhion
da lu definida "a scopo ludico e che no' serve a ghent"
assando a boca verta tuta la dhent.

E la banda continuea a sonar al trentatre
anca se la à stecà sul re.
Che i apie stecà anca al dopo meodì?
O che la banda austriaca i apie stupì?
Al nostro maestro l'è direto le do bande
l'era talmente emozhionà, che l'era sudà fin sue
mudande.

Dopo tute 'ste stronbazzhade
an poche de persone l'é state premiade:
al Sindaco e l'Assesora

CORO: Ancora l'Assesora?

SPAEA: Al Presidente dei artillieri e dei alpini

CORO: Ancora i alpini?

SPAEA: Sì, sì senpre lori
i ghe à dat la "Croce Nera"
i picarà anca quea suea so bandiera.

VECIA: Varda che la nostra banda anca al dì drio la se à fat onor
aea inaugurazion del zhimitero 'strungarico i à sonà
vero col cor.

I era cussì concentradi
che no' i se à acort de quei che andeo do come saeadì.
Capisse le tosatioe austriache co' ancora la torgoea del
sabo sera
ma i miitari no; no i pol svegnerme là par tera!
No' i à pì al fisico de zhinquanta ani fa.
An poc pì caldo del soito e i va via col fià.
Par fortuna che Padoin al sta da vizhin
se no, par darghe da beber ghe tochea 'ndar sul Corin.

SPAEA: Ma ti che tu era là anca ti.

CORO: Ti me tachetu i tac a mi?

Mi tacarte i to tac a ti?
Tachete ti i to tac!

SPAEA: Speta mo, toca mi
adess tache mi.
Ma se tu era là
dime: erée chi le autorita?
Eretu 'ndata drio 'na zhiesa a spuzhar
o setu 'ndata là par scoltar?

VECIA: Tasi su, tondo de luna, mi son 'na siora de cultura
mio come ti, coea testa piena de segadura.
Ghe n'era al Sindaco e l'Assesora par al Comun,

CORO: Ancora l'Assesora?

VECIA: Dea minoranzha, me par nessun,
al ministro dea difesa l'à disertà
ma almanco lu, un l'à déegà.
Col microfono tuta la cerimonia i à spiegà
a al nostro céebrante in tea tonega al se à inganberà.
I austriaci un par un me i son gustadi
i era in tanti e ben inquadradi,
calzheton de lana co' inzhima i pon-pon
se tu i metea su ti, tu pareva vero bon,
braghese curte de curan
e in testa pene de gainazha e faian.
Co' tuti 'sti penaci che vanzhea su, l'à ghe 'ndata ben
che no' sie rivà i cazhadori de Maren.
De sicuro i varie inbainà qualchedun:
co' ivede an poche de pene e de piume, i fa su an
pestafun.
Solche un al me à fat vero pecà
a vardarlo come che l'era conzhà.
Se pense che l'é so nevodo dea inperatrice Sissi
co' quei quatro s-ciot de cavei inpomatadi e lissi
co' i do cui de butilia al posto dei ociai
co' quée scarpe bée comode par no' schinzharse i duron
e i cai.
Ma de sicuro l'avarà sal in tea zhuca

no' l'é an scalzhanit: l'é l'Arciduca.

SPAEA: Ma ghe atu vardà solche i vestì
o atu capì l'importanzha storica de quel dì?
Pì de setanta tosat i à ricordà
e finalmente, qua a Fuina, in pace i riposarà.
Qua in paese, par tant se ghe n'è parlà
ma le so fameie par senpre i ne ringrazhiarà.

VECIA: Finalmente an poca de cultura par sto paese
Che in tei ultimi ani par ste robe no' l'è avù gran spese,
ma ti al savéetu che an nostro paesan
l'è scrit an libro coe so man?
E co' l'è domandà in Comun se a publicarlo i ghe aiutea
I ghe à risposto che no' ghe interessea.

SPAEA: Ma setu drio scherzhar?
Ghe n'è sta ocasion e se la assen scanpar?
Come ea andata a finir po' sta storia?
Come quea dea vaca vitoria?

VECIA: Al vien sponsorizhà dal Comun de Feltre sacramento,
che al ghe n'è approfità in t'en momento.
Ma i ghe à fat canbiar titolo suea copertina
e fat sparir al nome de Fuina.

CORO: Candii, Candée, Candeii..... Candeiiiiii!

SPAEA: Ahh che mondo, che desperazhion
anca se qua ghe n'è 'na abazhia, no' ghe n'è pì reigion.
N'altra olta in cesa i à robà senzha remission
no' i à paura de 'ndar a l'inferno e gnanca in preson.

VECIA: Gesù, Giuseppe e Maria e tuti i santi in compagnia
tuti sti deinquenti, metéi su la reta via.
De sti tenpi no' ghe ne tant da laorar
ma no' l'é 'na scusa par 'ndar a robar!

Gh'en sarà da tirar la cinghia par qualche mese
aver iudizhio e sparagnar sue spese.
Anca Bruneta ai so dipendenti al ghe à dat 'na drezhada:
o tu laora ben o tu te ciapa la paga smedhada.
L'é là che dapartut al tira spaghetti
se no a catar schei par tuti, bisognerà eser dei maghi.
L'era ora che i se desse da far anca lori
par i statai no' pol esser senpre rose e fiori.
E se tuti anca prima i vesse fat ben al so mestier
par le scoazhe de Napoi nol sarie diventà mat al
Cavalier!

Par do mesi no' l'ha fat altro che comandar
ma aea fine l'é i alpini che i é andati a netar!
E quei che vive do par deà
co' l'é rivà tuti quei miitari i se à spasemà!
Ma quando i à capì che i era là par netarghe le strade
de reolt e scoazhe i ghen intassea a paeade.
L'é propio vero che qua in Italia comanda quei pì cei
che porta le braghesse longhe par sconder i tac alti vinti
schi.

I sarà anca do tapet
ma quel che i pensa i lo diss s-cet e net.
Par no' parlar dea Ministra de l'Istruzhion
che 'pena che l'ha vert la boca, i studenti i à fat 'na
rivoeuzhion;
no' i savea ben la riforma in cossa che la consistea
ma tuti pronti in piazzha a protestar contro de Ea!
I italiani de tante novità sarai contenti?
De sicuro Silvio al voearà tante riforme e cambiamenti.
Al nostro premier a Obama al ghe à fat an grun de
complimenti
"bello, bravo e abbronzato, al meio de tuti i presidenti"

SPAEA: Ma par eser abronzhà, al me par scuret
eo 'ndat a ciapar dove tut quel sol? A Polpet?
Nol me par gnanca scotà!
A l'é tut bel inpatinà!

VECIA: Putinot d'en dindiot
satu solche le storie dea Caldea e del Masot?
No' tu à vardà la téevision do mesi fa?
Aea Casa Bianca un de coeor se à insedià!

Par festegiar l'ocasion
risi e bisi e proseco de quel bon;
ma solche un dì l'à podest far festa
che al dì dopo al vea già pensieri par la testa.
Speren che le so idee le tire in qua i 'mericani
e che a roda ne vegne drio a noi italiani.
Che anca lori i se dae 'na desmisiada:
basta petrolio, motori zhinquemia turbo e aria inquinada!
Vardene noialtri, che bravi che sen
o col GPL o col gasolio, mie (1000) KM co' un pien.
Gh'en sarie anca 'na idea de far 'ndar le machine a
biometano
visto che le vache ogni dì scoredando do metri cubi l'ò
spara fora par l'ano.

CORO: Al cul, al cul se diss!

VECIA: Basta case grande coea pissina che no' i é boni de
pagar
e coi schei de tuti Borsa e banche far croear.
Che i varde noialtri che senpre ghea fen
prima de spender e spander ghe pensen ben.
L'unica spesa che no' sen boni taiar
l'é quea par spriz e onbre, entro par i bar.

SPAEA: Visto che te vede ben carburada
cossa me contetu dée ostarie de sta contrada?
Al "Centrale" adess i tien vert anca al dì de festa
e al cul dea nova barista me fa vegner al mal de testa.
Ma prima de ea in tre mosse
i à fat sparir do bèe rosse!
Quant che le me piasea!
Solche a vederle me se sgionfea la coradea!
Me incontetée anca de aqua e limon
sperando che i ghe caschesse fora i meon!
Co' le forbia al bancon coea strazha
no' e lo fea parché la toea la era pazha.
A starghe drio ai veciot le gh'en aveva pien al goss
parché l'era daea matina che i sbavea come i s-cioss!

VECIA: Porzheat d'en razhacan!
Tu se senpre pedo ogni an!
Vutu saver che po' ti de bève tose,
pitost che dartea a ti le preferisse meter in crose !
Co' te verde la boca de sicuro svien qualchedun.
Al to fetor i lo sente anca a Carve e Beun.
Co te moea i to soiti pet
par che se sie revessà de ledan an caret
par no' parlar del chezh dea roja
gnanca an can maeà no' te ghe fa pì voia!
no' so p' qual che sie al to muso o al cul
pitost che vegner co' ti base le ciape d'en mul!

SPAEA: Bruta luia pisazhera
i te chega doss anca i cunici dea jazhera!
Pieni dei ont e ben inchezhadi i é i to cavei
no' pasa un dì che no' i te schite doss i osei.
Pa' fortuna che le vache no' le pol voear
se no a sta ora in téa buazhe tu sarie drio nodar!
La to farsora l'é piena de puin de tute le razhe
pì che 'na bernarda l'é an boion de scoazhe!
L'unica maniera par vegnerte da vizhin
l'é scanarse 'na damigiana de marzhemin!
Adess che lé drio pasarme la storna
pa no' sentir al to odor me tocarie beber anca da 'na
gorna.
Me par fin inposibie diaol bestion
che nesun me porte an butilion!

VECIA: A mi me par de conoserlo sto biondo de cavei,
ma nol era quel che a Pieve al fea a toc mande e vedei?

SPAEA: Ma no, l'é quel da drio al bancon de l' ostarìa al ponte
quea famosa par ver le onbre senpre pronte!
Te à da veder che lustrada che i ghe à dat,
adess i se fa riguardo a cagar dentro anca i gat!

VECIA: Adess che tu me fa memoria
me vien in mente tuta la storia!
E pì che ghe pense pì crede de aver rason:

ti tu andea là solche par veder i do mandoeon!
La rossa e la bionda lè se dea tant da far
ma le à catà subito da batoear,
cussì de tre che i vea scomizhià i mestieri
in do i se à catà a forbir i vieri.

E si che quea da Canpea l'avea afrescà tut al local
gondoe, pont de Rialto e parfin paeazho Ducal!
Co' te andea dentro te pareva de eser a Venezia
ma tornando fora tu trova altro che marochin coea
"kefiah"!

Tavoin de viero, poltronete rosse e lanpadari de muran,
ma quei che i é dentro no' i fa altro che tirar do can!
I doveni de sabo sera i é senpre là a inpignir i biceri
basta che quel che sta da drio ghea moe de ciamar
senpre i carabinieri!

Varai fat come a tirar al bar cussì bel
i sarà andati a cior i idranti da Romanel,
i à fat propio un gran parecido
no' sa pì da serà e gnanca da vecio!
co se va in cesso no' ocore inpinzhar l'interutor,
e se te scampa un petol sta atento a no' far massa odor!
Ma quant che ghe à tocà patir co l'Aministrashion:
no' i pensea che par verder an bar se dovesse far 'na
rivoeuzhion!

Adiritura, visto che la bionda la é da fora Comun,
an dè i ghe à mandà al vigie a tirarghe su an pestafun!
Co i é andati su in munizhipio a domandar spiegashion
i ghe à dita che l'era ispezhion antimafia par controear la
situashion!

Ma su in Comun no' i à altro da pensar?
Ronpei senpre i susin a chi che vol laorar?
Co i ghe à fat i scavi davanti aea ostaria
i se à catà 'n'altra porcaria.
Invezhe che rifarghe al marciapie con fià de criterio
i à fat 'na roj che casca dentro anca Tiberio!
Cussì davanti ai tavoin passa 'na canaeta
che la fa rivar do parfin al piss de Piero Capreta!
I vea cavà anca i famosi paet
tuti quanti a far festa co' poenta e muset!
Ma la sagra l'é durada ben poc'
parché i li vea cementadi da novo che i duresse an toc!
e i à usà quel a presa rapida,
te sa, che 'na ventada, come chealtro ano, senpre la
capita!

Le tose del MMSCAFE' parfin i fioc i ghe vea mess in
ponta!
Dopo do dì Afro al ghe à dita: tirei via se no al vigie
ve fronta!

SPAEA: Gesù, Giuseppe e Maria e Rodolfo in compagnia!
No' sta menzhionarme al vigie del Comun
che anca par le rece me vien fora al fun.
Satu cossa che me é sucess chealtra sea?
Ere drio andar a erba anerota su par la Volpera,
an bel momento daea pressa che vée
ho revessà pal prà al zhest dée radicee.
In do e do quattro me son sentì tut pazh
par fortuna che ò catà 'na foia de slavazh!
Intant che ere cussì cucià do e vardée distante
al me à puntà i ciari an disco voeante.
Maria Vercore che razha de scaturida
vutu veder, ò dita, che staolta l'ò fata compida?
Fari alti, lanpegiator che girea come 'na giostra,
sirene, fis-cet, canpanei e racoe in bea mostra,
specet, megafoni e antene de tute le sort,
frece, ferai e un canocial tut stort,
no' ò gnanca fat ora a netarme
che do marzhiani i era già là par quantarme!
Quant che no i me à zhigà drio
i parlea 'talian e no' ò capì gnent parbio!
Subito i à tacà a scriverme 'na contravenzhion
i voea multarme par aver spuzhà drio an zhieson.
No' pensée de verla fata cussì grossa
ma quel dì me vea ciapà la mossa!

VECIA: Marzhiani? Estraterestri? Ma setu belche cioc?
Meti in moto al zhervel invezhe de andar a ponder
come i oc!
Se i vea i capei in testa col frontin
i é quei che ormai i à multà tuti entro al confin.
Quea astronave blé la se ciama Seat Leon...essa
e dentro ghe n'é al vigie e la vigiessa.

SPAEA: Eco chi che l'era quel splendor de tosa,
spere almanco che no' la devente so morosa!

coi parchegi tuti vodi in piazza
i posta la machina dove che i vol, anca davanti aea
terazha
tra lori e i vigii che gira par le contrade nostrane
te crede che i legaizhe le ronde padane.
Meio che i ghe tende anca ae strisse pedonai
quei che tira soto i pedoni, dovarie passar pì guai.
Gh'en sa calcossa to amigo Zhescon
che al se à cata moeà do a rodoeon.
Parché anca ai nostri boce no' ghe capite ste robe qua
al pedibus i à inventà.

SPAEA: L'é vero si, l'ò vist anca mi!
co' quei gilè arancione i me à parfin inorbì!
Sti tosatei i me pareva 'na morena de figaet,
i se tien tuti in fila par 'na corda, ligadi col morset
cussì i li aconpagna a scoea a pie
e no' i li fa smontar do dai marciapie.

VECIA: Al podarie 'ndar ben anca par noialtri veciot
co' anden a beber do goti de merlot!
anca parché, a dir la verità,
pochi de noialtri, a star sui marciapie, i à inparà!!
E intant se avizhina le elezhion comunai
e face nove in lista no t'en vedarà mai,
senpre i soiti che i ghe prova
ei in coalizhion o provei roba nova?
I diss che se ghe n'é tre liste però
al se torna a candidar quel da Farò.
Quel che sta su in Col
al vea al fazhoet verde atorno al col
e invezhe a Fuina l'à fondà
al grupo del Popoeo dée Libertà,
quel da Maren che al se era destacà daea lista de
l'Aministrashion
staolta al ghe prova a Miane e Cison.
L'aviator dal cor ruspante
l'é drio lucidar l'aliante.
Maria Vergine che razha de casin,
pitost de andar a votar, st'ano, me scane an butilion de
vin!
Almanco in paese 'na roba la me gratifica



SI RINGRAZIANO:

**L'AMMINISTRAZIONE COMUNALE
IL VIGILE
LA VIGILESSA
I RANGERS
GLI ADDETTI AGLI IMPIANTI AUDIO E VIDEO
I PROPRIETARI DEI MEZZI DI TRASPORTO
I REGISTI**

**E TUTTI COLORO CHE HANNO CONTRIBUITO
ALLA RIUSCITA DI QUESTA MANIFESTAZIONE**

